

Đenan Čauš

JU Bolnica Travnik, Travnik (BiH)  
djenancaus@gmail.com

**Indikacije i komplikacije carskih rezova u JU Bolnica Travnik u periodu 2015.-2018. (POSTER)**

Učestalost dovršavanja poroda carskim rezom u posljednjoj deceniji, nakon značajnog porasta, postepeno pokazuje tendenciju pada. Prema podacima iz literature, u svijetu se stopa poroda koji su završeni carskim rezom sa 40% u 1991. spustila na 15% u posljednjem petogodišnjem periodu.

Najučestalije indikacije u svijetu su, prema literaturi, stav zatkom i kefalo pelvina disproporcija.

Cilj rada bio je prikazati stopu carskog reza u J.U. Bolnici Travnik u periodu od 2015. do 2018. godine, utvrditi koje su to indikacije bile za izvršenje carskog reza, te da li je bilo postoperativnih komplikacija.

Metoda koja je korištena u radu je retrospektivna, sa analizom 300 trudnoća, jednoplodnih i višeplodnih, koje su dovršene carskim rezom u J.U. Bolnica Travnik u navedenom posmatranom periodu.

Rezultati rada pokazuju da se stopa carskog reza od ukupnog broja poroda u posmatranom periodu kretala od 11,5% do 16%. Najčešće indikacije su bile fetopelvina disproporcija, planirani carski rez, stav zatkom, te bolesti i stanja majke koja su onemogućavala normalan porod. Komplikacije su se javljale u manje od 5% slučajeva, u vidu infekcija rana i atonije. Iako se carskim rezom rizik za mortalitet majki povećava, stopa smrtnosti od carskog reza u posmatranom periodu iznosila je 0%.

**KLJUČNE RIJEČI:** carski rez, indikacije, komplikacije